

Wae wuurt de 52ste Beerpiëp prins ?



Me zaet waal ens: “dae haet ein pan aaf!” Zoeë as ge zeet hebbe dees dreej hieëre letterlik ein pan van 't daak gehaold. Of zeej achter die pan mèt ein sjtaon te moele det weite weej neet. Zól 't waal zoeë zien, en die kans is groeët, mak eur det waal echte 'pannekletsters'. Zeej zien in idder geval razend enthousias òm zich aan uch veur te kenne gaon sjtelle.

De manne zien de aoves al aan 't sjtaoke, zoeë det d'r dalik eine flinke veurraad panne klaor lig. En det zal waal nudig zien. Want gluif maar, dees hieëre gaon nao eur oetrope de panne van 't daak van d'n Haandert laote vlege. As ieërste gangmakers waere zeej op 2 februari oetgerope en neme daormèt 't veurtouw in d'n Tegelse vastelaovend. Netuurlik zal det oetkómme op ein sjpectaculaire wies gebeure. Ge wilt daor zeker getuge van zien. We haope uch den ouch te meuge begroete op ós vijfde Cambrinusbal. Same mèt uch geit 't nije trio d'r en ein top fieësje van make.